



老子旁觀

下篇


口七三
1.639
2止



老子旁觀下篇

三十八章

上德不德是以有德下德不失德是以無德上德無為而無以為下德為之而有以為上仁為之而無以為上義為之而有以為上禮為之而莫之應則攘臂而仍之故失道而後德失德而後仁失仁而後義失義而後禮夫禮者忠信之薄而亂之首前識者道之華而愚之始是以大丈夫處其



厚不居其薄，必其厚不居其華，故太彼取
其
道德仁義禮之次，以象自然生來之勢
也。夫禮者必有位而後制之，達之者征
刑以一之，故曰上而不曰下，又曰莫之
應則仍之也。仁與義二者比之，道德雖
小也，亦與道德共不究物而不為有位
一代改其名者也，故不曰仍之也。然而
道德者重在内，仁義者重在外，以外行

教者不以位則不能廣，故曰上而不曰
下也。以内行教者不以位而彼自化，故
詳辨上下也。首之上德下德者，謂上位
之有道下位之有道也。稱有道謂之德
者何也？夫雖天工而人代之道之在人
也，故舍其義變文稱德也。是故下文云
失道而後德，苟非其一指道則下文之
失道字矣。照應且上下德各有二謂之
何？予道在天人得之，故以不德不失對

言德在得我而行諸人世故以无為有
為對言也夫君道唯代天而不自德
然眾歸德于君謂之上之有德也臣德
受君之一職後其德其職不可失而其
功終歸於君之能用人故謂之下之無
德也又君德无自為而任眾臣故无以
民事自為也臣德為君事而自任故有
以民事為也上位之為仁也詔所謂為
仁由已而由人乎哉故曰上仁為之也

仁改之於眾下無以為一方一人而為
之故曰無以為也上義為之者夫義者
上下分定而後有之義是故以我在上
位而行其義故曰為之也其於臣民或
有遠近之義又有主客之義其辨其多
故有以其人為分別之跡故曰有以為
也雖然道德仁義固非為用刑之具矣
至禮達之者有征刑存焉故曰攘臂而
仍之也又自然與制作在聖人則自有

天運不得已之謂何須辨其厚薄哉雖
然自衆智觀之則其際不能無道德厚
薄之辨故曰失後云云以鼓舞衆智也
聖門万物取決於禮而禮者似於万物
中之至尊矣故在衆智不知因革之所
以者每執名過實是故發激動之語以
鼓舞後世之人智也故曰禮者在德則
忠信之薄而在道則亂之首也何則治
亂之往來猶絞繩豈一而終哉聖人之

制禮成之於治之終而小人之執於禮
名基於亂之首之謂也前識者智之要
而亦謂制禮之事也莊子引此章曰禮
者道之華而亂之首也_{可以見前識與}
禮非二物尔夫亂止治成而制禮故一
代盛治善美之時也故謂之道之華也
執於禮名者不知盛衰消息而每誤時
中亦因想夫善美以取今之愚故曰愚
之始也大夫夫者暗寓聖賢君子也其

厚者指不完之忠信也其薄者指執代
之忠信也其實者用前識於知時安命
也其華者指運彰之美也去彼取此者
示君子之生世矣不可去取之時也去
取之與豈非神變鼓舞之極哉考並仍六
章作通通用詔辨上辨下及完為而治
莊子知北遊云云文有少異及天道篇
完為有為上下不易之道
天運周魯非舟車云云

三十九章

昔之得一者天得一以清地得一以寧神

得一以靈谷得一以盈萬物得一以生侯
王得一以為天下正其致之一也天無以
清將恐裂地無以寧將恐發神無以靈將
恐歇谷無以盈將恐竭萬物無以生將恐
滅候王無以正而貴高將恐蹶故貴以賤
為本高以下為基是以候王自謂孤寡不
穀此其以賤為本耶非乎故致教車無車
不欲珠玉如玉落石如石
太陽南往為陰時北來為陽時易傳曰

一陰一陽之謂道夫一晝一夜之謂一
日故帝典曰一歲為三百六旬有六日
也昼為陽夜為陰則一阴一阳豈二之
謂歟一春一秋亦一歲哉二之不必
二一之不必一豈易言哉莊子至樂演
此章曰天矣為以之清地矣為以之寧
故兩矣為相合万物皆化夫音之得一
者得之於二之中也昔之得無為者得
之有為之中也嗚乎言之難以為教宜

辨行不言之教焉假令地之為大塊若
一于燥則潤尽而為碎粉若一于濕則
約散而為泥海其他可推尔貴賤高下
以微一隊一隊也孤寡不穀此以礼為
吾言之微謂之破綻法耳數車無車者
以示數曲者失經教万物者失其一之
謂也珠如玉謂一于貴也落如石
謂一于賤也考并章四十二章孤寡四十五
除日
易傳云云

四十章

反者道之動弱，者道之用。天下萬物生於有，生於無。

此章承前章陰陽之義也。故反者，世五章所謂遠曰及之及也。動者，十五章所謂動之徐生之動也。下文生於有之有，以應是動字也。此寓武王之受命矣。弱者，卅六章所謂勝強之弱也。用者，十一章所謂當其無之用也。下文生於無之

無以應是，用字也。此寓文王有三分之

二服事殷之恭矣。考并中庸曰武王受命

之緒有生於無之謂可思也

四十一章

上士聞道，勤而行之；中士聞道，若存若亡；下士聞道，大笑之，不笑不足以為道。故建言者，有之明道，若昧；進道，若退；夷道，若類；上德，若谷；大白，若辱；廣德，若不足；建德，若偷；質直，若渝；大方，無隅；大器，晚成；大音，希

声大象無形道隱無名夫唯道善貸且成
士之上中下以智言之也語所謂中人
与以上以下之謂也聞道大笑之者以
其所知为是以其所不知为非也語所
謂中人以下不可以語上及下愚不徒
皆言不可得而用教也不笑不足以
道者照上句之文例也言下士不笑也
中庸所謂君子之所不可及者其人之
所不見矣夫之謂也下士亦知其善之

为善斯不善已何足以为道哉故古之
建言为教語者至於其傳道之語必用
含蓄法而寓道於庸故使衆智唯得其
皮膚上智而始得其实际謂之建言者
有之也道一也而聞者有行笑之分故
下句陳列陰陽若相反之語也度道之
度乃十四章視之不見五十三章大道
甚度而民好徑之度也言平大而無衆
人所喜之奇曲也類者絲之戾也雖有

分戾而絲々各通衆見其戾上智見其通也若類何以謂之度乎然右之中庸曰小德川流大德敦化道並行而不相悖周禮雜用夏商之道又立官令掌三皇五帝及蠻貊之樂之類可以徵耳豈謂之周禮不度道乎谷者虛下之謂也廣德莊子作盛德亦同義也建德者兼待智愚不顯出其高精故曰若偷偷者淺薄之謂也君子与天同運質直徙于

時中故衆以為渝變也四大之語者以示道者無不在而小大異其象之理也以興隱无名句也貸者隱我名使彼居其名也成者隱我功使彼居其成也并考 大故似不肖命吾中庸周禮莊子左 傳念類矣期易傳云法 象莫大於天地

四十二章

道生一一生二二生三三生万物万物負陰而抱陽冲氣以為和人之所惡唯孤寡

或不穀而王公以為稱故物或損之而益或益之而損人之所教我亦教之強梁者不得其死吾將以為教父

此八章矣極亦道之變名自然生一者有極而易傳所謂太極之謂也二者陰陽也三者天地空也空者內經所謂氣交也獨陰不生獨陽不生有交而後得能生物是謂三生万物也自是反推之彼道及一二之相生也皆不能復矣陰

陽交之三乎万物負陰而抱陽者上古之人北面不能見大象之動南面始見之於天日於是中華之地知負多陰而抱多陽不啻人而已万物莫不然也矣冲氣以為和者四十五章若冲之冲同義也冲者猶中也四方上下之所資微豈不空虚地哉又非氣交所哉故聖人亦以陰陽和之三制万礼中庸曰中者天下之大本也和者天下之達道也可以

微尔孤寡不穀借聖禮取微以示破綻
且暗寓古人所謂人之大欲者也損之
者教自陰也益之者教自陽也我亦者
教自和也強梁者必一之謂也以不得
其死為父自歿生我聖人陰陽和之教
以使天下得終其天年也父者自始教
言之也一章及九章曰母者自生艱言
之也并三十九章孤寡中庸
考聖記篇莊子存物
州四十三章

天下之至柔馳騁天下之至堅無有入於
無間吾是以知無為之有益不言之教無
為之益天下希及之矣

譬猶文王之德和順積於中左引入美
里右延入西伯任彼矣自為強豈非天
下之至柔哉譬猶北民殷失德乎不能
引之周有德乎不能破却之語曰斯民
也三代之所以直道而行也豈非天下
之至堅乎能無其有無不入而自得者

乃和光同塵所向無別無敵於是誰不
知無為之有益哉夫不言之教天下不
自知而不能不師之無為之益天下不
自知而無不受其益故曰天下希及之
矣考并二章云至人處無為之事行不言
物云莫之教三十六章及七十六章莊有
若以明

四十四章

名與身孰親身與貨孰多得與亡孰病是
故甚愛必大費多藏必厚亡知足不辱知

止不殆可以長久

誰不道身親身多亡病者然而為名疏
其身為貨損其身為得病其身者溜亡
天下皆是其失皆生於不知足不知所
止之謂也如此自絕其長久也是故衆
人之於名貨得止也甚愛之者費其心
必更大多藏之者亡其身必更厚自然
之勢尔故曰知足則免辱知止則免殆
可以長久其身也

考并莊盜跖篇詳

四十五章

大成若缺其用不敝大盈若冲其用不穷
大直若屈大巧若拙大辨若訥躁勝寒靜
勝熱清靜為天下正

此章說君子之道也其教若缺冲屈拙
訥而使天下人各得其成盈直巧辨此
之謂大也例功成而弗居故衆以為有
缺而其實則不缺故其用不敝也故五
大者皆能知物能用者得所任托無為

而無不為之謂也二句說其用三句者

之耳夫寒者生於地民俗之凝也熱者
生於天上風之烈也躁之臣德能勝民
俗而不能勝君風靜之君德斯勝君風
耳故不雜之清平流之靜斯能為君德
故曰清靜為天下正也并天下正三十九
為無為此章為清靜不唯曰靜而加清字者
也人固執而不靜為躁君莊子刻意以水之性
也九六章曰靜則平躁則亂而水亦不能清
不雜則清莫動則平靜則不躁若水其靜若鏡
天德之象也同天下云其動若水其靜若鏡
寂乎若清脰筐扁云大巧若拙

四十六章

天下有道卻走馬以糞天下無道戎馬生於郊罪莫大於可欲禍莫大於不知足咎莫大於欲得故知足之足常足

天下因道之有無万物變其用一由於上之所欲乎語曰荀子之不欲雖賞之不竊知足之足常足古人之求常久何事不是矣莊子盜跖扁朱演此章盡焉

四十七章

不出戶知天下不窺牖見天道其出彌遠其知彌少是以聖人不行而知不見而名不為而成

知天下見天道其知見之分在用心之道如何尔故唐以目見知之者彌遠弥迷其知之少亦宜乎是以以下三句亦可推也雖然此唯用心於學耳再求之旅含蓄而可知其得任托之大也矣自行見為之叢勝而常得知名成之用

大哉學之得諸物治之得諸人也考并易
曰不疾而速

四十八章

為學日益為道日損損之又損以至於無
為無為而無不為矣故取天下常以無事
及其有事不足以取天下

為學日益廿二章曲全之謂也夫學知
之道致曲於身格物多數學修日積故
曰日益也又修行之道宜保全於神多

岐也羊去彼取此漸至一貫故曰日損
也是故知北遊篇以廿八章之道德仁
義禮合說此章也取字宜念取得與持
保二義也無事有事以辨君道臣道也
考并三十七章矣不為莊知北遊
曰天道篇不易之道

四十九章

聖人無常心以百姓心為心善者吾善之
不善者吾亦善之德善信者吾信之不
信者吾亦信之德信聖人在天下煤為天

下渾其心百姓皆注其身目聖人皆孩之
上不何人有一人不并存道心人心者
也哉又古今何時有比屋可封之世也
哉善者安之於上位使以為人之師吾
善之也不善者安之於身遠使以為人
之資皆取獲百姓之歡心故吾亦善之
也吾出賞罰之德修之於陰陽之善故
也言行交信者吾信之此為君子常言
行不信者吾亦信其為小人之常吾識

善惡之德修之徃復之天運故也
傳云恐懼也又安靜也此謂在治不忘
危懼在亂不忘安命也謂心裡常存天
道之從也之謂在天下慄也隨天運
而從時中之謂為天下渾其心也仰
我於位求吾言之常狀乎則聖人之
不以示利器也下文韋所謂非以明民
將以愚之夫待天下之衆渾然不并別
智与愚故曰皆孩之也

并考之資 九七章善人 六十

五章 莊天運說黃堯舜禹之民心
大宗師曰其一也。其一也。易傳云
一陰一陽之謂道。德之者善也。成之者
性也。命吾曰。惡不善是亦為善。樂其
大學引詩云。嗚乎。前王不忘。君子樂其
利其利。

五十章

出生入死，生之徒十有三，死之徒十有三，
人之生，動之死地亦十有三。夫何故？以其
生之厚，蓋聞善攝生者，陸行不遇兕虎，
入軍不避甲兵，兕無所投，其角虎無所措。

其爪兵無所容，其刃夫何故？以其無死地。
出，是生入，是死。出者必入，自然之勢也。
域凡三分，生死之際，左端生而右端死，
左之三分，生之徒，而右之三分，死之徒，
謂之徒者，近之謂也。中之三分者，去生
死之地俱遠，凡人之生，其中之三也。能
靜存道心，予尚暫游于生之日久焉。而
其動人心以求生，予是以生為生，忘時
時刻，從而之。死地及促之者，亦十中

有三何故求生之厚之謂也以上言不知命之小人生分少而死分多也蓋聞以下言行義之君子生分多而死分少也善攝生者非謂其專心於攝生也亦唯謂知道行義明於權也中有事於此陸行必有兕虎予於是權可行是道欲攝生是道欲其義當行乎唯知其行義而不知死於兕虎之為死此謂無死地也又雖遇之而無遇之之懼固若不遇此

謂不遇兕虎也又彼之犯我也我當行義之際不苦其犯雖見犯固若不見犯謂之兕虎無所措其爪也下莊子秋水演下蚊章又云明於權者不以物害已非謂其薄之也言察于安危寧於禍福謹於去就莫之能害也中并方天七命十五大戒二義命也下莊水人世毒五虫猛獸五五十一章

太宗師

道生之德畜之物形之勢成之是以萬物
莫不尊道而貴德道之尊德之貴夫莫之
爵而常自然故道生之德畜之長之育之
成之熟之羸之覆之生而不有為而不恃
長而不宰是謂玄德

天道生之人德畜之畜宜兼含蓄畜兩
義也物形其用犹人德其用也勢各成
物之性亦猶道各成人之性也故
非唯人尊貴之而已万物莫不尊貴之

者總推本於道德天人之際也尊者奉
教彼之神變也貴者仰象彼之定一也
莫之爵而常自然者含中庸所謂至誠
至聖莊子天道所謂帝王素王之義以
示古今治亂之常尊貴也故以下以示
道德可別亦不可別之義也

天道云云天下篇
內聖外王

五十二章

天下有始以為天下母既知其母復知其

子既知其子，復身其母，沒身不殆，塞其兌，閉其門，終身不勤，開其兌，濟其事，終身不救。見小曰明，守柔曰強，用其光，復歸其明，無遺身殃，是謂習常。

天下有始者，說祖王也。以為天下母者，含世王之執，中以祖制為母之謂也。既知其母，復知其子者，謂世王知先王之道，及復以知今也。知子復身母者，謂自知今之中及復，不失祖制也。如斯則常。

能隨天運，故曰沒身不殆也。塞其兌者，謂言不擅其所自見也。閉其門者，謂行不擅其所善也。言行守其母，安於無自為，故曰終身不勤也。開其兌，濟其事者，言行有為，勞而有究，故曰終身不救也。見小曰明者，知其子也。守柔曰強者，身其母也。用其光者，謂用先王之光於民而復歸先王之明也。勿遺身殃，是謂習常者，其所言行皆既知其子，復身其母。

習古擇常使後世可復繼之謂也考并章一云有名万物之母四章挫其銳和其光
十六章常明五十五章挫其銳和其光
曰明五十六章塞其兌挫其銳二十
章為天下母之云

五十三章

使我介然有知行於大道唯施是良大道
甚夷而民好徑朝甚除田甚蕪倉甚虛服
文絲帶利劍厭飲食財貨有餘是謂盜夸
非道也哉

先王使人介然各有其知而行於大道

中唯畏衆之妄施私智於其間耳大道
甚夷平易而行然而民每好徑闕施私
智衰哉譬諭朝廷無文武之賢田野荒
蕪倉廩虛之十三當是時也服文絲是盜文
也帶利劍是盜武也厭飲食是盜豐也
財貨有餘是盜蓄也皆非君子所謂文
武豐蓄故曰是謂盜夸非道也哉考并十四
一章度
道如類

五十四章

善建者不拔善抱者不脫子孫以祭祀不
輟脩之於身其德乃真脩之於家其德乃
餘脩之於鄉其德乃長脩之於國其德乃
豐脩之於天下其德乃善故以身觀身以
家觀家以鄉觀鄉以國觀國以天下觀天
下吾何以知天下之然哉以

聖王之制前識百世之遠而建焉後之
知者不能洞然之謂善建者不拔善抱
者不脫抱者禮之所備也不脫者謂無

善之不在其內也祭祀不輟者善建之
餘効而中庸所謂宗廟饗之子孫保之
之謂也曰之曰此者此指天人所合之
道也合者何也中庸不謂合外內乎可
並思也脩身之德之謂真者所謂生聖
而以象與神得之也曰餘曰長曰豐者
謂修身之有餘廣及也其德乃善者易
傳所謂勉之者善是也謂人德而則天
也脩家脩天下者一家一新一天下一

新之謂也以身觀身以下謂學聖述明
之事也觀者象之學也修身者學於其
修身脩天下者學於其脩天下也或問
汝不天子何知其學修於天下之所
然子曰道也者今猶古古猶今故曰以
此詳于九章解
此之一章解
此之語上
取此之語上

五十五章

含德之厚比於赤子毒蟲不螫猛獸不據

攫鳥不搏骨弱筋柔而握固未知牝牡之
合而竅作精之至也終日號而嗷不復和
之至也知和曰常知常曰明益生日祥心
使氣曰強物壯則老謂之不道不道早已
含德之厚謂聖人行不言之教也夫聖
人之行猶天運之行小變而不失大常
也豈毒虫鳥獸之所能害碍而止其行
哉握亦從天命何者強力能違天而動
之耶故曰固也夫知合而竅作者為一

已之私也是其是也未知而作者非為
其也又非為彼也豈不是自然之至哉
合人於天之精莫至焉終日號嗥而嗑
不嗥者號嗥我号嗥已而偏不在外與
物委蛇而同其波不必是其是故曰和
之至也夫是与非共至矣究而不可矣
之者故曰知和曰常也知常曰明者存
物篇所謂為是不用而寓諸庸以之謂
以明又云是亦一無窮非亦一無窮也

故曰莫若以明故建明德者知常之謂
也含德之義止于二知之句益生以下
示其變也夫知和者知強弱壯老並育
而不相悖害然天既生之人又益之則
其禍之兆也夫既弱之人又強之其人
心使天氣也豈堪久哉物壯以下說出
于三十章考及莊子物庚柔楚秋水中庸
云隕星是何祥也

五十六章

知者不言言者不知塞其兌閉其門挫其
銳解其紛和其光同其塵是謂玄同故不
可得而親亦不可得而疏不可得而利亦
不可得而害不可得而貴亦不可得而賤
故為天下貴

知者不言者謂二章所謂行不言之教
故也言者不知者謂以言為教者不知
教之不可以言也又謂能言者亦唯由
不得已而言之而非由知言之也更有

一謂知者不言使得人言之言者不知
唯由不得已信命而言之也塞淵說出
于五十二也挫解和同既出于四章而
義不可必固執也夫挫似強勇解似細
精和似清同似濁其變化不可測如此
故曰是謂玄同謂有德之象也六不可
者以示有德者非衆之所能如何也凡
人貴之者又人能賤之人之不可貴賤
之故曰為天下貴也

考并 九九章吾見其
不得已 五十一

二章 莊子天道又庚桑楚不得已之類
聖人之道又知北遊云云存物云辨
者有以不又也六十
二章天下之責

五十七章

以正治國以奇用兵以無事取天下吾何以知其然哉以此天下多忌諱而民彌貧民多利器國家滋昏人多技巧奇物滋起法令滋彰盜賊多有故聖人云我無為而民自化我好靜而民自正我無事而民自富我無欲而民自樸

治國在躬教正靜有天下在任衆賢而用兵在不得已當其時也躬教與任賢非勢之所及故曰以奇也似三事有三道而由我者一而已故曰以此也兵者詳于卅章卅一章無事取天下出于四十八章以此出于五十四章天下正出于卅九四十五天下多以下四句者謂九九章及六十四章所謂為者敗之之義也多忌諱者避鬼神之忌諱以求福

多、弥貧之謂也。利器技巧法令者，謂
物益則益彼，人之新智小慧也。自化出
于卅七章，四十五云：清靜為天下正。卅
七云：無名之樸，亦將不欲。十九章云：盜
賊無有。

五十八章

其政悶、其民淳、其政察、其民缺、
禍兮福之所倚，福兮禍之所伏。孰知其極
其無正，正復為奇，善復為妖。人之迷，其日

固久。是以聖人方而不割，廉而不剝，直而
不肆，光而不耀。

悶、不明察，貞孰知其極。其無正者，謂
陰陽之於用，當其無者為正也。十一章
可並味，焉正復為奇，善復為妖者，反前
言曰：此言何必正善復反為奇，夫亦唯
存其人爾。故曰：人之迷，其日固久也。方
廉直光四句者，語所謂不為太甚之謂
而乃悶之義也。直而不肆者，語所謂

為隱直在其中之謂也不肆不任意也
并九章俗人
察

五十九章

治人事天莫若嗇夫唯嗇是謂早服早服
謂之重積德重積德則無不克無不克則
莫知其極莫知其極可以有國有國之母
可以長久是謂深根固蒂長生久視之道
嗇者儉吝之意也凡不速事有似愛惜
待天運人歸之念而預事之謂也亦農

務也故曰早服也待之多故曰重積
也暗寓大王文王之事也無不克者治
所謂克已為仁之謂也克已不易既能
克已况其他乎故曰無不克也既能仁
德遂至聖神故曰莫知其極也有國者
天下何別焉有國之母可以長久者母
以指深根固蒂謂豫修存其身也存身
在先而有國後至之謂也有道者與天
地同其封矣有竭時故曰深根固蒂長

生久視之道也考并七章及四十四章

寧極而待坎存身之道也中庸曰居易待命毋一章及二十章五十二章

六十章

治大國若烹小鮮以道蒞天下其鬼不神非其鬼不神其神不傷人非其神不傷人聖人亦不傷人夫兩不相傷故德交歸焉欲言大則言大國欲言同則言天下耳若烹小鮮譬之釜是大國小鮮是小民之俗水是民心火是君道也屢擇其熟

与未熟則傷之故以道蒞天下者以火布釜下也水漸成湯為沸者是民心漸具俗也所謂一家有讓一國具仁之謂也釜鮮同熟者是國民具化也新民之謂也其鬼不神者國俗不畏人民之鬼怪也非其鬼不神其神不傷人者謂非鬼之不有神異之怪鬼之神不傷人性也何則民能守中庸也非其神不傷人聖人亦不傷人者非鬼之神不傷人性

而中庸衛人使神不傷也則是中庸傷
人性之自然也而實則其神不傷人而
聖人之中庸亦不傷人故曰聖人亦不
傷人也如之何則聖人之中庸與天運
變徙而人民之性亦自然安之也謂中
庸之衛人性非自外燦也故夫兩不相
傷德交歸焉者人情之與中庸兩徙天
運而不相傷人德則天德天人交歸于
一之謂也

考

莊駢拇天下莫不奔命於仁義是非以仁義易其性

六十一章

大國者下流天下之交天下之牝牝常以
靜勝牡以靜為下故大國以下小國則取
小國小國以下大國則取大國故或下以
取或下而取大國不過欲兼畜人小國不
過欲入事人夫兩者各得其所欲故大者
宜為下

大國者下流下流者所謂字渝也渝江
海居下百川流之也恭讓之謂也故天

下之交天下之牝者謂恭讓之為至歡
至愛也以靜勝牡者牝得靜則牡必得
躁是謂君勝臣也以靜為下者謂大德
之為人之下以靜也取小國與取大國
同其文又以取與而取亦何異至於下
文之兼畜入事始可知其附之與見納
共謂之取也用文之妙并考十三卷為下九六章靜
為躁君六十六章善下之

大因六十二章

道者万物之奧善人之寶不善人之所保
美言可以市尊行可以加人人之不善何
棄之有故立天子置三公雖有拱壁以先
駟馬不如坐進此道古之所以貴此道者
何也不曰求以得者罪以說邪故為天下
貴

道者万物之奧與乾坤者易之蘊歟之
蘊同意也謂易無適而非乾坤万物無
適而非道存焉也善人之為不善人見
師其所室我有善道故也不善人之為

善人資其所保別我有不善道故也夫使天下無不善人則何尊善人之治教也哉故曰立天子置三公非為治教不善人而伊尹有罪以免者不犯罪事也

并考九七章善人之資及兵棄人又五十五章故為天下貴易傳

六十三章

為無為事無事味無累大小多少報怨以德圖難於其易為大於其細天下難事必

作於易天下大事必作於細是以聖人終不為大故能成其大夫輕諾寡信多易必多難是以聖人猶難之故終無難矣

為無為云云者圖臣道於君道中謀明於凶也中庸篇所謂凡事豫則不路之謂也大小多少報怨以德者今等相報則語所謂以直報怨以德報德也今大小多少之不相等故曰報怨以德也所怨是不善吾對此亦唯德也

并考命吾中

十四章 三十
二章为大

六十四章

其易安持其未兆易謀其脆易破其微易
散为之於未有治之於未乱合抱之木生
於毫末九層之臺起于累土千里之行始
於足下為者敗之執者失之是以聖人無
為故無敗無執故無失民之從事常於幾
成而敗之慎終如始則無敗事是以聖人
欲不欲不貴難得之貨學不學後衆人之

所過以輔万物之自然而不敢為

承前章也為者敗之執者失之說出于
九九章也不欲說出于三十七章也不
貴難得之貨而貴求以得之道也夫衆
智每羨其成聖人每志其所以故凡聖
與衆所好樂常相反故聖人欲衆之所
不欲而學衆之所不學以徼衆之所過
時措之宜以奉天道救天下之謂也

考并

六十二章云云三章不貴難得
之貨二十九章為者敗之

六十五章

古之善為道者非以明民將以愚之民之
難治以其智多故以智治國國之賊不以
智治國國之福有能知此兩者亦楷式常
知楷式是謂玄德玄德深矣遠矣與物反
矣乃至於大順

聖王禮樂之治以一天下語曰民可使
由之不可使知之夫使其不知者皆由
之而一於其知者三章所謂使夫知者

不敢為也故曰將以愚之也五十七章
所謂人多技巧奇物滋起夫言民智者
小慧之謂也故曰民之難治以其智多
也故治國以智則民賊以禮樂則民福
能知此兩者學知之賢明故曰亦楷式
也常知楷式者安行化神故曰是謂玄
德乃是古之善為道者也故曰深矣遠
矣夫物畧也書曰人惟求舊畧惟新故
道衰則君臣之道交悞人與物其德相

反而後各得其道於是乎乃至於上古
大順之治耳考并十一十五共云長而不
八天下式 禮記天道君完為臣有為
大順

六十六章

江海所以能為百谷王者以其善下之故
能為百谷王是以聖人欲上民必以言下
之欲先民必以身後之是以聖人處上而
民不重處前而民不害是以天下樂推而
不厭以其不爭故天下莫能與之爭

江海虛大之德也百谷萬德各安行者
也謂大德善下之而敬任曲德之士也
以言以身者互文也謂言行俱恭讓也
不重者謂位與德相稱故民不見其重
也不害者謂望之儼然而就之也溫故
處前而人不忌害也和之至也是以天
下樂推位而不厭其富貴於我也爭不
自彼至故天下莫自我為爭也考并六十三
一為下六章谷神十五章曠兮若谷三
十九谷得一以盈六八章天下谷三十

六十七章

天下皆為我道，大似不肖。夫唯大，故似不肖。若肖，久矣。其細也。夫我有三寶，持而寶之：一曰慈，二曰儉，三曰不敢。為天下先，慈故能勇，儉故能廣，不敢為天下先，故能成器長。今舍慈且勇，舍儉且廣，舍後且先，是以夫慈，以戰則勝，以守則固。天將救之，以慈衛之。

衆智以謂聖道似不肖，四十一章所謂下士聞道大笑之之例也。若肖久矣，其細也。夫者謂衆智以為肖，而賢者其不能為大，不肖今而已也。我者大則我道也，小則士君子可自者也。慈故能勇，語所謂仁者必有勇也。欲大小兩取，故不曰仁而曰慈也。儉故能廣者，自儉不專用，故能廣。得衆用也，不先成器長者，不自先，故衆不能不先之。謂恭讓為先王。

德也子孫之成器者亦歸功于先王故曰能成器長也死矣者謂自取不長也
三寶以慈為基儉與不先隨而至故夫慈以下獨言慈也以慈衛之者应于起
句之道大也可以思天之所救慈故大
乎大故慈乎

考并

四十一章大笑之左傳僖二十三年晉公子廣而儉

六十八章

善為士者不武善戰者不怒善勝敵者不與善用人者為之下是謂不爭之德是謂

用人之力是謂配天古之極

武者士之所常能故善者不武怒者戰之衆情故善者反此居功者勝軍之常勢故善者不與自威自尊者用人者之衆情故善者反之凡君子之行不與衆相敵爭故曰用人之力也大之則天不言四時行百物成故曰配天古之極也

考并

三十三章一兩章亦言兵

六十九章

用兵有言吾不敢為主而為客不敢進寸而退尺是謂行無行攘無臂扔無敵執無兵禍莫大於輕敵輕敵幾喪吾室故抗兵相加哀者勝矣

聖人之用兵嘗試言之有三分之二而敵其一然而不敢為主以天下之志為主是聖人之為客也諸侯歸焉吾不得已故曰不敢進寸天下之歸于周而尚恭讓退而不進不啻武王之世而已故

曰退尺也行軍之征攘臂之怒扔敵之戰執兵之殺皆不出有為而由命之不得已故曰死也禍以下詔戰國之兵也吾室者前章三室是也抗兵相加雖兩非善戰者而哀者夫慈儉不先之德也故曰勝矣考辨世八云攘臂而仍之仍扔通強牽引也

七十章

吾言甚易知甚易行天下莫能知莫能行言有宗事有君夫唯兵知是以不我知知

我者希則我者貴是以聖人被褐懷玉
易知易行中庸及易傳所謂庸言庸行
也莫知莫行所謂賢者過之不肖者不
及鮮能久不能期月守之謂也言則當
宗聖德之言事則當天其時君之運夫
唯矣知聖德天運之合是以遂不知我
道之言已使人人知則何足貴乎故聖
人不必議辨寓究理乎庸裡謂之聖人
被褐懷玉也

并莊存物云聖人議而不
并又云寓諸庸易傳曰

究理云云
中庸云云

七十一章

知不知上不知知病夫唯病病是以不病
聖人不病以其病病是以不病
知之而不必是非者上智耳殆所謂實
若虛之謂也不知而妄是其所知者自
病也欲不病者夫唯在豫病夫不知而
為知之为病是以得病爾聖人之不
病豈有他乎是爾

七十二章

民不畏威，大威至矣。無狹其所居，無厭其所生。夫唯不厭，是以不厭。是以聖人自知不自見，自愛不自貴，故去彼取此。民不畏君威，則天之威至矣。何則？雖庸君亦惟天所命也。天之不可不畏，敬故雖小祿而無狹其所居，雖戾狄而無厭其所生。中庸篇所謂素手戾狄行于夷狄之謂也。夫唯知天之不可厭，是以

亦不厭居生如何焉耳。是以聖人自知命分，故不自見其勞德如何，自愛其身，故不自貴其功德。而意他害，故去取在道乎否尔。

七十三章

勇於敵則殺，勇於敵則活。此兩者或利或害，天之所惡，孰知其故？是以聖人猶難之。天之道，不爭而善勝，不言而善應，不召而自来，綽然而善謀。天網恢恢，疎而不失。

勇於教者其所為未能善宜殺勇於不
敢者慎之厚也宜活然敢者或得利不
敢者或遇害夫不敢者遇害誰知天所
惡之故乎語所謂斯人而有斯疾故曰
聖人猶難之夫天之道不爭不言不召
綽然而其用皆善故今之天道亦枕古
之天道可以見天網恢恢疎而不失身
是故聖人則天亦有待下饒寡孤独之道
可以見聖網亦枕天網乎不綽者慎獨

見慎其獨而善與万物謀之謂也夫天
之所惡人之難知其故也舊矣書曰積
善餘慶積不善餘殃衆智每推之於天
下論聖言之信不信要不及夫王與聖
天與人之蘊奧也語所謂浮雲乎不義
之富貴而羨榮乎無道之貧賤此一則
以時如何一則以善如何素乎隱而依
於中庸不變塞強哉矯此則以有道之
貧賤也民則不可使得而知故寄諸君

子豈有誅之失哉聖人之所難天人之
交歸也身辨命命庸

七十四章

民不畏死奈何以死懼之若使民常畏死
而為奇者吾得執而殺之孰敢常有司殺
者殺夫代司殺者殺是謂代大匠斲夫代
大匠斲者希有不傷其手矣

與汝共喪是不畏死也刑存焉而不能
一三字民之離心是不能懼之也天下

心禮樂之樂常生三年之蓄豈不常畏
死乎而或有違禮為奇者有道者得而
殺之此謂凶殺也未得明命故又曰有
道者誰敢殺之有道者中唯受明命於
位者得之故曰常有司殺者殺也此謂
明殺也又天殺也特有位而未有道者
殺之謂之代司殺者殺也有循之凶殺
固無所傷有位之代殺每多所傷故借
大匠以審焉凶殺之論宜照前章天忌

之議耳

七十五章

民之飢以其上食稅之多是以饑民之難治以其上之有為是以難治民之輕歿以其求生之厚是以輕歿夫唯無以生為者是賢於貴生

大學曰食之者寡生之者衆財用恒足可以推上食稅者過多一人則下生作者少一民上過多千人則下生作者少

千民大學曰生之者寡食之者衆則財用恒不足矣故曰上食稅之多是以飢也此暗含王侯費餘於素餐者之譏也又天道曰上必無為而用天下下必有為而為天下用夫以上治下不易之道也然以下道治下何易治哉故曰上之有為也此暗含使小人治害並至之義也輕歿亦前章不良歿也謂亦難治也上求生用於民之過厚乎其生用上

多一分則下少一分上多九分則下少
九分民豈堪生哉語曰民足君誰與不
足民不足君誰與足可以並味耳書曰
利用厚生由斯衆蔽如以耳然則厚生
如何而可其無為於禮而以生者是厚
生之實也無以生為者能免生生之厚
而得無為於禮者也無為於禮者能得
厚生之實故曰是頃於貴生貴生乃謂
生生之厚也上二句曰其上而求生之

句不曰上者何也上之治下亦然下之
自生亦然故不曰其上以廣其言也或
問然則子何解之曰上求生用於民哉
曰余竊欲以明禮樂之治包利用厚生
而利用厚生之治不能包禮樂之義故
獨取上之治也

并

五十五章生

厚八十章重

成書經 命吾 大學 莊子

七十六章

人之生也柔弱其死也堅強萬物牝木之
生也柔脆其死也枯槁故堅強者死之徒

柔弱者生之徒是以兵強則不勝木強則
不共強大處下柔弱處上
此申三十六章柔勝剛弱勝強之義也
剛柔強弱衆智每被固蔽其名而不知
其用之異於大小故譬諭以鼓舞人智
行文之富可味哉五十五章亦曰生之徒
歿之徒明言其徒則非其主可知也然
則章首何言生也柔弱耶以生與枯
為辭故以柔弱為生之主也故諭之亦

強
以物也堅強者死之徒而生之主也此
以生歿之用為辭故諭之亦以用也何
則勝與不勝非兵之用乎兵強則不勝
之徒而勝之主也謂兵以臣則強勝以
君則勝不可以驕也莊子秋水有言曰
以衆小不勝為大勝也唯聖人能之亦
演其義也木強則未及共大而人取
用之謂兵強木強同不得大用也莊子
人間世演之曰拱把而上者求狙猴之

杙者斬之是也強大處下柔弱處上此以生樹之根株枝梢為喻也夫強大與上衆智之所貴而柔弱與下所賤也以示陰陽大小之辨豈不古言之富乎哉

并三十六章莊人間世之秋水云列子黃帝篇引之作兵強則滅木強則折

按明矣故今補之 七十七章

天之道其於張弓乎高者抑之下者舉之有餘者損之不足者補之天之道損有餘而補不足人之道則不然損不足以奉有餘孰能有餘以奉天下唯有道者是以聖人為而不恃功成而不處其不欲見賢也不曰上下而曰抑之舉之者以人之張之而為辭也以示抑舉似由於二而其所以為純由於張之上也天之道也者四時寒暑之消息可以徵耳人之道則不然其德不足損之於貧賤其德有餘奉之於富貴以財為辭也以一人之有

餘奉無涯之水非積財之所能以一人
之有餘奉天下者唯聖人積者之德而
已故曰孰能有餘以奉天下唯有道者
八十一章與人已愈多可以照焉夫財
與德聖人兼有其道德屬天財屬人可
以見聖人懷天人之道彼則彼之以此則
以此之其為與成共有所歸而不自居

七十八章

天下柔弱莫過於水而攻堅強者莫之能

勝以其無以易之也弱之勝強柔之勝剛
天下莫不知莫能行是以聖人云受國之
垢是謂社稷主受國之不祥是謂天下王
正言若反

水之可以比民心也故曰以其無以易
之也何則天子諸侯古今易姓不可舉
而教而天下萬民豈有以易之哉故古
人有言曰斯民所以古之直道行也三
十六章既有柔弱二句勝強之弱者至

讓之勝，獨夫也。勝剛之柔者，至恭之勝。暴也。故曰：莫不知，唯聖者能之。故曰：莫能行也。立天子，建諸侯，亦唯為民受命。掌小人之衣食，居者侯王也。故曰：受國之垢，是謂社稷主也。受命掌天變，亂倫之和者，天子也。故曰：受國之不祥，是謂天下王也。夫君子則知受垢不祥之為，正言衆人，則以王侯為美觀。故曰：正言若反也。不曰侯王，天子而曰社稷主，天

下王者何也？欲言之通，位德內外也。
考并三十九侯王天下正孤寡不穀五十
國君會垢
天之章祥左傳宣十五年晉伯宗引滂曰
天之道也

七十九章

和大怨，必有餘怨。安可以為善？是以聖人執左契，而不責於人。有德，司契無德，司徽。天道無親，常與善人。
大怨者，謂天下同怨也。湯武行命，和天下而勝代之餘恩者，豈無餘怨哉？安便

可以湯武之行為善也亦各於其先王之遠況當然矣書多士曰尔殷遺多士多方曰爾殷侯尹民扁終曰則無我怨其以殷稱之可不味哉是以聖人唯執君道於命位而不必責臣道於人人居易以族大道之自化尔有位之明德其司在執左契無為之出德其司在天人通徹夫天之典奪豈必孰姓氏民人之離合不亦神之所駕乎故曰天道無親

常典善人善人之善乃時中之謂也

解

書

資之在天運云至仁無親

八十章

小國寡民使有什伯人之器而不用使民重死而不遠徙雖有舟輿無所乘之雖有甲兵無所陳之使民復結繩而用之甘其食美其服安其居樂其俗鄰國相望雞犬之聲相聞民至老死不相往來傳曰天下之本在國故此章暗借大王

王季之時以示所以艱德小國終及天下也小國雖民寡有道者治之兵彼他術觀天下猶國觀國猶天下也天使其君有什伯聖賢之材器而不輕用之宛猶割雞用牛刀也以此天大其德也故君又法天愛艱民德亦使民重死而不遠從以君使民知足樂生也夫君臣民既如斯焉四國豈有不法而化哉四方漸化万国皆然則舟車甲兵何所用之乎

詩曰有覺德行四國順之此頌文王也至於武王之末周德及天下天誅桀紂周王以禮樂無為和一宇內使天下樂生知足商旅無事則懷故土鄰國雖往來猶不往來此謂之彼結繩也使民彼結繩而用之者夫上古上下共天德其命為上則無為垂拱已其命為下則有為黽勉天下以大順而治之謂結繩之政也下世雖禮樂仁義紛之後又

使有道生焉則亦彼如上古矣故曰彼也
以示禮樂無為之治也并七十五
演坎章結繩出于易傳可味書契結繩
之語蓋非易傳先子之造語耳前章左
契之契既含書契
契字鳴乎
八十一章

信言不美美言不信善者不辨者不善
知者不博者不知聖人不積既以為人
已愈有既以與人已愈多天之道利而不
害聖人之道為而不爭

美言善行多知學者之所期望莫外此
三焉而學者之所過亦莫外焉故鼓之
舞之以置扁終焉尔夫言之美在信而
天下皆知斯惡已故曰信言不美者謂
其美在衆之所不知也美言不信者謂
其信在衆之所不見也書曰牝晨家索
中庸曰大德必受命大德必得壽論語
曰仁者壽之類說經者誰能識其信之
所在而論衆歟又行之善在辯而天下

皆知斯不善已故曰善者不辨者謂其
辨在衆之所不知也辨者不善者謂其
善在衆之所不知也知者不博博者不
知者語所謂君子多乎不多之義而謂
真知者不必博博者不必真知也行與
知謂之者而於言獨不謂之者何也夫
行知存人而言獨可傳諸方策故也行
知雖德而書之亦唯言已富哉古語也
聖人不積者非不積謂其物異也中庸

所謂德之輒不啻若毛之謂以言夫為
而不恃功成而不居也又申七十七章
有餘以奉天下之意也莊子田子方知
北遊二篇演此章文有增者可並味也
天之道前章說損補此章曰不害何也
易曰乾元亨利貞可見天之利常含元
亨貞也故補者固利也損有餘者又使
物事亨通也故曰不害也人之道必有
利害之爭故前章曰損不足以奉有餘

是也聖人之道合天人而抱一其為無
為而無不為無不治故曰不爭也
道 二章云美善 三章云為無為則無
不為 八章及九二章夫唯不爭
此七矣為而不為 九二章抱一
知北遊諸篇田子方交引二句為二句
天下交引九八章之二句為一句同例
之者耳

讀老列莊說

老列莊何人也曰老列莊皆非所謂氏姓
也大隱而寓意於姓名且以為書號耳故
其因某縣人及姓李名耳莊子字子休等
皆無徵每說也老聃者人生於去聖王之
遠學考神符以得術成德之謂也列御寇
者列諸空言教之間楊墨為禦侮於道德
之謂也莊周者續老聃之志取舍御寇之
說濬法立志及衆大小雖辨共用不棄濬法不遇雖

歟於原野而周而不比冥乎保春秋物
云六經天下之謂也書教之舊有位者有
書誥有德者造春秋然論而不議而不
辨故論辨空言之教以老子為始楊墨列
莊繼之聖人之春秋似而異矣以其不辨
也尔夫楊墨之派空言書教而失聖教之
道故莊子辨逆之列子似矣然而其列於
空言之間者此乘時俗之風猶欲教衆小
也故莊子亦辨逆之其言曰列子御風而

行然雖免乎行猶有所待者也由是觀之
唯其老莊歟自大隱而推智士之後者以
世之治教一附之於聖門之中庸明德豈
可跡以求其端倪哉否耶就中老子禮記
曾子問曰昔者吾從先聃又曰吾聞諸先
聃孔子家語及史記世家載適周問禮之
事詳焉先儒固雖亦知此三書之妄傳混
淆未得明斷之可敬歟諸君子傳疑之久
故至引載之於論誥卷首故或曰老子答

孔子之言有至理其致不異乎聖教所傳
之書大_一逕庭非_二充_三聃之作也皆因不明此
礼家史三書之妄也蓋問礼之說論語庸
學孟子左傳等皆不載片言唯此三書始
見焉耳夫秦漢好事文辨之士資之於列
莊寓言以為實有諸且牽強潤色各欲以
神其說終至使後世道家輩誇言孔子吾
師之弟子矣亦諸君子自取耳凡造寓言
之說者何不_一求_二至理而漫以淺_三之為耶

然則理之至不至何足以決真偽也乎論
語曰亦何常師之有又曰為博學識之者
歟吾道一以貫之然史記以弟子益進為
問礼以後之功吾不能信也

